

RESOLUCIÓN DA ALCALDÍA

Visto que en data 11 de setembro de 2025 incóase procedemento de concesión de subvencións outorgadas ás entidades en réxime de concorrencia, en concreto, a convocatoria das subvencións municipais para entidades deportivas do Concello de Meis.

Consta incorporado ao expediente documento contable de retención de crédito número 3222 na aplicación orzamentaria 2025/341/48005 polo importe de 18.000,00 euros, polo concepto “Subvencións a entidades deportivas do Concello de Meis”.

Visto que mediante Resolución da Alcaldía número 2025-0541, de 11 de setembro de 2025, apróbase a convocatoria e as bases específicas das subvencións, por procedemento de concorrencia competitiva, para as entidades deportivas do Concello de Meis para o ano 2025.

Con data 11 de setembro de 2025 procedese a rexistrar as bases e a convocatoria na Base de Datos Nacional de Subvencións (BDNS), conforme ao previsto nos artigos 17.3.b e 20.8.a de a Lei 38/2003, do 17 de novembro, Xeneral de Subvencións, para a posterior publicación dun extracto de convocatoria no Boletín Oficial da provincia de Pontevedra número 176, de data 16 de setembro de 2025.

Tramitado o expediente conforme ó disposto nas bases da convocatoria, vistas as solicitudes presentadas, a Comisión de avaliación en data 06.11.2025 formula proposta de resolución provisional, sendo obxecto de publicación no taboleiro de anuncios da sede electrónica do Concello de Meis (<https://meis.sedelectronica.gal>), e adicionalmente na páxina web municipal, aos efectos de que as entidades solicitantes, por medios electrónicos e nun prazo non superior a 3 días hábiles a contar dende o día seguinte á data de publicación, puidesen presentar as alegacións que estimasen procedentes.

Durante o precitado prazo non se presentaron alegacións.

A Comisión de avaliación de data 12.11.2025 formula proposta de resolución definitiva.

Compróbase de oficio que existe un erro na valoración da documentación achegada pola entidade “Club Armenteira e Punto” no apartado “Número de ADESTRADORES/AS TITULADOS/AS con licenza en vigor”, dado que a puntuación outorgada é de 23 puntos, cando a puntuación máxima a outorgar é de 15 puntos.

Este erro implica unha modificación no total de puntos asignados á Entidade (205 en lugar de 213 puntos). Tamén o erro conleva a modificación do valor do punto, que pasa de 25,86€ a 26,22€.

Visto que mediante acordo da Xunta de Goberno Local, de data 13.11.2025, resolveuse conceder subvencións municipais ás entidades deportivas do Concello de Meis para o ano 2025 con cargo á aplicación orzamentaria 2025/341/48005, tendo en conta ás solicitudes presentadas dentro do prazo establecido que contaban coa documentación esixida nas bases da convocatoria.

Visto que a normativa reguladora das subvencións públicas establece que o pago da subvención realizárase previa xustificación polo beneficiario da realización da actividade, proxecto, obxectivo ou adopción do comportamento para o que se concedeu nos termos establecidos na normativa reguladora da subvención, de tal forma que se producirá a perda



do dereito ao cobro total ou parcial da subvención no suposto de falta de xustificación ou de concorrencia dalgunha das causas previstas no artigo 37 da Lei 38/2003, de 17 de novembro, Xeral de Subvencións.

Visto o informe de fiscalización favorable ao pago das subvencións emitido pola Secretaría-Intervención municipal adxunta número 2025-0164, de data 29 de decembro de 2025, sobre a conta xustificativa achegada polos distintos beneficiarios da subvención, no que se conclúe que:

"(...) Examinado o expediente pódese concluír que a documentación achegada polos seguintes beneficiarios da subvención, en termos xerais e coas apreciación recollidas no presente informe, reúne as condicións esixidas pola normativa reguladora, procedendo o recoñecemento da obrigaón e pago da subvención:

**ANEXO I
(FÚTBOL E CICLISMO)**

NIF	ENTIDADES	IMPORTE SOLICITADO €	CONCESIÓN IMPORTE € (Máx. 9.000,00)
G36569416	Club Armenteira e Punto	-	5.375,10
G36362127	Zacande Fútbol Club	3.000,00	2.281,14
G36151462	C.D. Mosteiro	10.000,00	7.341,60

**ANEXO II
(OUTROS DEPORTES)**

NIF	ENTIDADES	IMPORTE SOLICITADO €	CONCESIÓN IMPORTE € (Máx. 3.000,00)
G36114056	Agrupación Deportiva Chan do Fento	6.000,00	2.553,19
G36215655	Soc. De cazadores de Meis	3.000,00	446,81

Polo demais non se considera necesario facer ningunha observación adicional (...)"



Comprobada a existencia de crédito axeitado e suficiente.

Visto o disposto no artigos 185.2 e 217 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, no artigo 60.1 do Real Decreto 500/1990, de 20 de abril, nos que se determina o órgano competente para o recoñecemento da obriga, competencia que para este gasto corresponde á Alcaldesa-Presidenta do Concello de Meis, ou por delegación á Xunta de Goberno Local, esta Alcaldía no exercicio das súas competencias **RESOLVE:**

PRIMEIRO.- Avocar as competencias delegadas na Xunta de Goberno Local por Decreto da Alcaldía 2023-0539, de data 13/07/2023.

SEGUNDO.- Aprobar a conta xustificativa da subvención outorgada as seguintes entidades, confirmándose a subvención inicialmente concedida :

RELACIÓN DE ENTIDADES SUBVENCIONADAS CON APROBACIÓN TOTAL DA CONTA XUSTIFICATIVA

C.I.F.	ENTIDADES
G36569416	Club Armenteira e Punto
G36362127	Zacande Fútbol Club
G36151462	C.D. Mosteiro
G36114056	Agrupación Deportiva Chan do Fento
G36215655	Soc. De cazadores de Meis

TERCEIRO.- Recoñecer a obriga e ordenar o pago en concepto de “*Subvencións ás entidades deportivas do Concello de Meis*” a favor dos beneficiarios, con cargo as aplicacións e polas cantidades que a continuación se indican:

C.I.F.	ENTIDADES	IMPORTE €
G36569416	Club Armenteira e Punto	5.375,10
G36362127	Zacande Fútbol Club	2.281,14
G36151462	C.D. Mosteiro	7.341,60
G36114056	Agrupación Deportiva Chan do Fento	2.553,19
G36215655	Soc. De cazadores de Meis	446,81

CUARTO.- Notificar a presente resolución ao departamento de Secretaría-Intervención e Tesourería do Concello aos efectos oportunos.

QUINTO.- De conformidade coas bases que rexen a convocatoria, dispónse a publicación da presente Resolución na páxina web do Concello de Meis e no Taboleiro electrónico de Anuncios do Concello, aloxado na sede electrónica (<https://meis.sedelectronica.gal>). Segundo o establecido polo artigo 45 da Lei 39/2015, do 1 de outubro, do Procedemento Administrativo Común das Administracións Públicas, dita publicación substituirá á



notificación fornecendo os mesmos efectos. Igualmente darase publicidade a través da Base de Datos Nacional de Subvencións.

SEXTO.- O presente acto esgota a vía administrativa conforme ao previsto no artigo 52 da Lei 7/1985, do 2 de abril, Reguladora das Bases do Réxime Local, en consecuencia e de conformidade co disposto nos artigos 123 e 124 da Lei 39/2015, do 1 de outubro, do Procedemento Administrativo Común das Administracións Públicas e nos artigos 8 e 46.1 da Lei 29/1998, do 13 de xullo, Reguladora da Xurisdición Contencioso-administrativa, fronte a este acto poderase presentar: potestativamente, recurso de reposición no prazo dun mes desde o día seguinte ao da súa publicación no Taboleiro de anuncios da sede electrónica do Concello de Meis, ante o mesmo órgano que o ditou, ou directamente recurso contencioso-administrativo no prazo de dous meses ante os Xulgados do Contencioso- Administrativo de Pontevedra. Transcorrido o primeiro prazo dun mes, unicamente poderá interpoñerse o recurso contencioso-administrativo sen pasar o prazo de dous meses indicado. Con todo, a interposición do recurso potestativo de reposición non suspenderá por si mesma a execución do acto impugnado, sen prexuízo da súa solicitude ou estimación de oficio conforme ao disposto no artigo 117.2 da citada Lei 39/2015. Todo iso sen prexuízo de que poida exercitarse calquera outro recurso que estime pertinente.

SÉTIMO.- Dar conta da presente Resolución ao Pleno deste Concello na próxima sesión ordinaria que se celebre, de conformidade co preceptuado no artigo 42 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

Así o manda e asina a Sra. Alcaldesa– Presidenta, en Meis, na data que figura á marxe deste documento asinado electronicamente, do que a Secretaría toma razón aos únicos efectos de dar fe pública e transcripción ao Libro de Resolucións.

DOCUMENTO ASINADO ELECTRONICAMENTE NA MARXE

